
2019 йил 14 ноябр куни Вилоят ҳокимининг биринчи ўринбосари Тошпўлатов Фарходжон Муродович тадбиркорлар билан учрашув ўтказди

Фарғона "АЗОТ" АЖ мажлислар залида вилоятдаги мутассади бошқарма ва ташкилот раҳбарлари ҳамда тадбиркорлар билан учрашув бўлиб ўтди. Очик мулоқот тарзида ўтган давра суҳбатида вилоят ҳокимининг биринчи ўринбосари Фарходжон Тошпўлатов очди ва олиб борди. Бугунги кунда мамлакатимизда тадбиркорлар учун яратилаётган имкониятлар, уларга кредит, йер ажратиш ва бошқа соҳаларда шароитларнинг яратилишида маҳаллий ҳокимликлар, солиқ ва банк тизими зиммасидаги вазифалар ҳақида гапириб ўтди.

Вилоят ҳокимининг тадбиркорларга қилган Мурожаатномаси ўрганиб чиқилиб, атрофлича тушунтириб берилди. Шунингдек вилоятда "Кичик бизнес ва тадбиркорликни қўллаб қувватлаш ва ривожлантириш" бўйича 9 та устивор йўналишда вилоятда қилинган ишлар бўйича мутассади бошқарма ва ташкилот раҳбарлари ҳисоботлари эштилди.

Ошкора ва самимий мулоқот тарзида кечган тадбирда шаҳар ва туманлар ҳокимларининг биринчи ўринбосарлари ҳам иштирок этишди.

Тадбирда тадбиркорларни қийнаётган муаммолар, бандликни таъминлаш масалаларига ҳам алоҳида эътибор қаратилди. Мутахассислар томонидан тадбиркорликка доир қонунчилигимизга киритилган ўзгартиш ва янгиликлар, имтиёз ва қулайликлар тўғрисида маълумот берилди. Тадбиркорларнинг муаммолари тингланиб, улар томонидан билдирилган фикр-мулоҳазалар, таклифлар, келтирилган муаммоли масалалар ўрганилиб, уларнинг ечими бўйича тегишли ташкилотлар бириктирилди.

Учрашувда Савдо-саноат палатаси вилоят ҳудудий бошқармаси бошлиғи О.Атабаев, вилоят Молия бош бошқармаси бошлиғи ўринбосари С.Жўраев, вилоят Давлат Солиқ бошқармаси бошлиғи ўринбосари М.Маматхонов, вилоят Инвестициялар ва ташқи савдо бош бошқармаси бошлиғи 1-ўринбосари Д.Ғаниев, Марказий банк вилоят бош бошқармаси бошлиғи Т.Қундузов, Давлат активларини бошқариш агентлиги вилоят бошқармаси бошлиғи ўринбосари В.Тожиев, Вилоятдаги Бош вазир қабулхонаси мудир И.Турғунов, вилоят Бандлик бош бошқармаси бошлиғи О.Хомидов Ер тузиш ва Давлат Кадастр Бошқармаси бошлиғи ўринбосари Б.Ярматов сўзга чиқиб, бугунги кунда тадбиркорлар билан олиб борилаётган амалий ишлар ҳақида гапириб ўтишди.

Бундан буён "тараққиёт ва фаровонликка фақатгина тадбиркорликни ривожлантириш ва қўллаб-қувватлаш орқали эришиш мумкин" деган ғоя, тадбиркорлар билан бевосита мулоқот қилиш, уларнинг дардини эшитиш ва муаммоларини тезкор ҳал этиш ҳар бир раҳбар, ҳар бир идора фаолиятининг асосий қоида-асосига айланиши учрашувда алоҳида таъкидланди.

Фарғона вилояти ҳокимлиги Ахборот хизмати

2019-11-23 11:20:59